



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Agnese Ibrahim	15.04.2025	24.04.2025	2025/0266

BAZA LIGJORE E SHQYRTIMIT

Me datën: 12.04.2025, OE “Smartech Systems L.L.C.”- Prishtinë, ka parashtruar ankesë me nr: 2025/0266, kundër anulimit të aktivitetit të prokurimit, lidhur me aktivitetin e prokurimit: **“Sistemi i Alarmit në AKSP”** me nr. të prokurimit: "214-24-9646-1-2-1", iniciuar nga Autoriteti Kontraktues (AK) – **AKADEMIA E KOSOVËS PËR SIGURI PUBLIKE**.

Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e kontratës: 30,000 €.

Faza e procedurës së prokurimit:

Njoftimi për kontratë: 17/09/2024

Hapja e ofertave: 11/10/2024

Vendimi i AK-së: 26/03/2025

Lidhur me këtë lëndë është nxjerr një vendim i mëparshëm i OSHP - së, më Nr. 2024/1138 i dt: 24.02.2025. Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Shkeljet e LPP-se nga ana e AK-së:

Neni 1 – Qëllimi

Neni 6 – Ekonomiciteti

Neni 7 – Barazia në trajtim/ jo-diskriminimi

Neni 52 - Njoftimi i kriterëve për dhënien e kontratës

Neni 59 – Shqyrtimi dhe vlerësimi i ofertave

Neni 60 – Kriteret e dhënies

Neni 62 Përfundimi i Aktivitetit të Prokurimit

Neni 108/A Zgjidhja preliminare e mosmarrëveshjeve

Rregullorja nr. 001/2022, për Prokurim Publik Neni 40 Ekzaminimi, Vlerësimi dhe Krahësimi i Tenderëve;

Udhëzuesi për Prokurim Publik nr. 001/2023 Neni 10 Sqarimi i tenderëve gjatë procesit të vlerësimit të tenderëve.

Neni 30 Validiteti i Tenderit

ANKESË

Fillimisht shprehim shqetësimin tonë dhe kërkojmë nga OSHP si institucioni më i lartë i prokurimit publik në Kosovë të ushtrojë ndikimin e saj tek AK-të që të mos refuzojnë kërkesat për rishqyrtim pa ofruar asnjë sqarim dhe asnjë fakt.

Autoriteti Kontraktues – Sistemi i alarmit në AKSP; me nr. të prokurimit: 214-24-9646-1-2-1; me rastin e eliminimit tonë ka bërë shkeljet e lartcekura.

Pretendimet tona për shkeljet e lartcekura gjatë vlerësimit janë:

-AK-AKSP me datën 26.03.2024 përmes letrës standarde për tenderuesin e eliminuar si pjese e Njoftimit mbi vendimin e Autoritetit Kontraktues na ka njoftuar se jemi eliminuar për arsye: “*GST Sh.p.k & Smartech Systems L.L.C – është i papërgjegjshëm pasi që i mungojnë: zgjatja e validitetit të ofertës për 60 ditë. Kërkesa e autoritetit kontraktues për herën e parë ka qenë me datë 27.12.2024 të zgjatet afati i ofertës deri me 03.01.2025 ndersa O.E. e ka dërguar me 05.01.2025 në kundërshtim me kërkesën e AK-së mbas afati.*”

Ne nuk pajtohemi me këtë vendim pasi që konsiderojmë që është i pabazë për arsye:

AK nuk ka respektuar vendimin e OSHP-së me nr.2024/1138 që bazuar ne LPP është obligativ të respektohet nga AK.

Sa i përket pretendimit të eliminimit tonë shkelja ka ndodhur na vet AK pasi që ka kërkuar zgjatjen e afatit të validitetit të ofertës me më shumë se 2 javë vonesë. Pra nga data 11.12.2024 deri me datën 27.12.2024 nuk ka kërkuar zgjatjen e afatit, ndërsa kërkesa me datën 27.12.2024 ka qenë ditë e Premte dhe në fund vite ku një pjese e madhe e stafit kanë qenë në pushim dhe menjëherë pas fillimit të punës me datën 05.01.2025 kemi dërguar zgjatjen e validitetit të ofertës. Dhe pikërisht në atë kohë ne kemi pasur ankese në OSHP dhe është më se e kuptueshme që kemi qëndruar prapa ofertës sonë përderisa kemi depozituar ankese në OSHP për eliminimin tonë të padrejtë që është vërtetuar edhe nga OSHP. Andaj për lëshimet e AK-së konsiderojmë që nuk mund të penalizohemi ne si operatorë ekonomik. Mos kërkesa në kohe për zgjatje të afatit është shkelje e rende nga ZPP bazuar në Rregulloren e Prokurimit Publik dhe jo shkelje nga OE për tu eliminuar.

Si dhe anulimi i procedurës për mungese të buxhetit pas vendimit të OSHP-së që vërteton që oferta jonë është e përgjegjshme konsiderojmë që është shkelje e çdo parimi në prokurim publik, kjo pasi që një anulim i tillë nuk ka asnjë bazë ligjore (ju lutem të cekni se në cilin nen të ligjit jeni bazuar kur keni marr një vendim të tillë), për më tepër projekti ka pasur kohëzgjatje 3 muaj dhe hapja e ofertave është bere me datën 11.10.2024 e që në çdo rast do të kalonte në vitin 2025. Andaj ju duhet të siguroni buxhet për këtë projekt pasi që edhe kontrata është me poentim të çmimit dhe një anulim i tillë është diskriminues për neve duke pas parasysh që na keni shkaktuar dëme materiale duke përfshirë edhe

kostot për përgatitjen e kërkesës për rishqyrtim dhe ankesës të cilën e kemi fituar që vërteton që na keni eliminuar pa të drejtë.

Shkelja e Nenit 1.

Ligji Nr. 04/L-042 PËR PROKURIMIN PUBLIK TË REPUBLIKËS SË KOSOVËS, I ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, në Nenin 1 Qëllimi, paragrafi 1: “Qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla.” Dhe paragrafi 3 “Ky ligj ka për qëllim të nxisë krijimin e një kulture institucionale të profesionalizuar të pandikuar nga interesat materiale, të paanshme, etike, në mesin e personave zyrtarë që kryejnë ose janë të përfshirë në një aktivitet të prokurimit, duke kërkuar nga personat e tillë që të sjellen duke ndjekur parimin e shfrytëzimit sa më efikas, me kosto ekonomike, transparent dhe të drejtë të fondeve dhe burimeve publike ndërsa duke iu përmbajtur rreptësisht procedurave dhe kushteve qenësore të këtij ligji.”

Shkelje e të gjitha Parimeve të LPP-së.

Shkelja e Nenit 6 dhe Nenit 7

Neni 7 paragrafi 1: “Autoriteti kontraktues do ti trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente.”

Ne nuk jemi trajtuar në mënyrë të barabartë pasi që jemi eliminuar për *lëshim të AK-së* dhe nuk ka qenë e paraqitur tek kërkesat e D.T dhe Njoftimit për kontrate dhe asnjë njoftim lidhur me buxhetin dhe rrezikun e anulimit.

Shkelja e Nenit 59 Ekzaminimi, Vlerësimi dhe Krahësimi i Tenderëve

Në veçanti e paragrafit 4 “*Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. ...*”

Ne jemi eliminuar për arsye të lëshimit të vet AK-së.

Shkelja e Nenit 60 Kriteret për Dhënien e Kontratës

Paragrafi 1 “Autoriteti kontraktues do t’ia jap kontratën publike operatorit ekonomik që ka dorëzuar ose: 1.1 tenderin e përgjegjshëm me çmimin më të ulët;” duke pasur parasysh që ky ishte kriteri i dhënies në këtë aktivitet të prokurimit nuk është respektuar pasi që ne kemi eliminuar edhe pse kemi dorëzuar tenderin e përgjegjshëm me çmimin më të ulët.

Bazuar në provat dhe faktet e prezantuara më lart, konsiderojmë se AK – AKSP, vlerësimin krahasimin dhe ekzaminimin e ofertave e ka realizuar në kundërshtim me ligjin për prokurim publik dhe me aktet tjera nënligjore si dhe në *kundërshtim me vendimin e OSHP-së me nr. 2024/1138*

Shkelja e Neni 30 Validiteti i Tenderit – Rregullorja e Prokurimit Publik

Neni 30 Validiteti i Tenderit parasheh që nëse OE nuk e vazhdon validitetin të eliminohet por nuk përcakton afat se sa ditë do të jepen në dispozicion dhe përderisa kemi dorëzuar vazhdimin e validitetit të ofertës nuk ka asnjë baze ligjore eliminimi i saj. Afati i përcaktuar nga AK jashtëligjshëm ka qene 03.01.2025 (ditë e premte si dhe dite pune pas dy ditëve pushim zyrtar) ndërsa ne kemi dërguar konfirmimin me datën 05.01.2025 (dite e diell), pra edhe pse afati ka qene vetëm 3 dite pune ne kemi dërguar konfirmimin para ditës së 4-te të punës.

Shkelja e Nenit 62 Përfundimi i Aktivitetit të Prokurimit

LPP në nenin 62 nuk e parasheh anulimin e procedurës pas hapjes së ofertave me arsyetimin e ofruar nga AK, për mungesë të buxhetit kur sic kemi sqaruar fillimisht ka pasur buxhet për ofertuesin që ka pasur çmimin më të lartë se në ndersa për ne me çmim më të ulët nuk ka asnjë kuptim që të mos ketë buxhet.

Shkelja e Neni 108/A Zgjidhja preliminare e mosmarrëveshjeve

Nuk është respektuar LPP me rastin e refuzimit të kërkesës për rishqyrtim duke mos ofruar fakte dhe dëshmi mbi refuzimin.

Bazuar në provat dhe faktet e prezantuara më lart, konsiderojmë se AK – AKSP, vlerësimin krahasimin dhe ekzaminimin e ofertave e ka realizuar në kundërshtim me ligjin për prokurim publik dhe me aktet tjera nënligjore.



Bazuar në provat dhe faktet e prezantuara kërkojmë që lënda të kthehet në ri-vlerësim dhe të obligohet AK që gjatë procesit të rivlerësimit të respektohen LPP dhe aktet nënligjore si dhe kërkesat e Njoftimit për kontratë dhe dosjes së tenderit si dhe praktikën e vendosur nga vendimet e OSHP-së, andaj kërkojmë që OSHP të marrë:

KRITERET PËR VLERËSIM

<p><u>Kapaciteti ekonomik dhe financiar</u></p> <p>Kërkesa 1. Projekte të kryerjes së furnizimeve të ngjashme gjatë tre viteve të fundit(2021,2022,2023) minimum një (1) projekt-kontratë të ngjashme të përfunduar-realizuar.</p>	<p><u>Dëshmia e kërkuar dokumentare:</u></p> <p>Operatori Ekonomik duhet të kontratave të përfunduara gjatë fundit(2021,2022,2023), të nënvulosur nga operatori ekonomik me referenca ose fletë pranim nënshkruar dhe vulosur në përkatëse publike ose private. Asnjë kontratë nuk do të llogarësi është e bashkangjitur referencat kryerjen e shërbimeve ose referencat pranimeve të shërbimeve, kur shërbë për një autoritet publik në Kosovë ose në një vend tjetër duhet të dorëzohen fletëprerferencat (në referencat të jete të shërbimeve) të lëshuara nga autoriteti</p>
--	--

RAPORTI I KOMISIONI VLERËSUES


--

	<p>Republika e Kosovës Republika Kosova - Republic of Kosovo Qeveria - Vlada - Government</p> <p>Ministria e Punëve të Brendshme dhe Administratës Publike Ministarstvo Unutrašnjih Poslova i Javne Uprave / Ministry of Internal Affairs and Public Administration</p> <p>Akademia e Kosovës për Siguri Publike Kosovska Akademija za Javnu Bezbednost / Kosovo Academy for Public Safety</p>	
<p>NJOFTIM MBI VENDIMIN E AUTORITETIT KONTRAKTUES <i>Sipas Nenit 43.7 dhe 44.2 të Rregullave dhe Udhëzuesit Operativ të Prokurimit Publik</i></p>		
<p>Titulli i kontratës i dhënë nga autoriteti kontraktues: Sistemi i alarmit në AKSP</p> <p>Numri i aktivitetit të prokurimit: 214-24-9646-1-2-1, dhe nr. i brend.: 214 24 26 121.</p>		
Radhë	Lënda / grupi	Çmimi total i ofertës (me TVSH)
1.	„ Pro 4 ” Sh.p.k. – Prishtinë	216.10 €
2.	„ Besa Security ” Sh.p.k. - Prishtinë	255.99 €
3.	„GST” Shpk & Smartech Systems L.L.C.- Prishtinë	89.00 €
4.	„ Advance Business Solution -ABS- Tiranë	1364.73 €
5.	„Call Home Electronics- Prishtinë	470.00 €
6.	„Alf Group” -Glogoc	463.07 €
7.	„Roa Consulting” Shpk – Sallabajë -Lluzhan	438.50 €
8.	„Professional Alarm” L.L.C. - Prishtinë	178.60 €

Rezultati i aktivitetit të prokurimit:
Akademia e Kosovës për Siguri Publike e anulon këtë aktivitet pasi që sipas vendimit të OSHP-së 2024/1138 lenda të rivlersohet por pas shqyrtimit të kërkesave buxhetore nga Divizioni për Buxhet dhe Financa në mungesë të mjeteve financiare jemi të detyruar ta anulojmë pasi që ky projekt kapital ka qenë i planifikuar për vitin 2024.

Data: 26.03.2025

Emri dhe mbjemi i ZPP: Bekim Dakaj



B58 - NJOFTIM MBI VENDIMIN E AUTORITETIT KONTRAKTUES

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

--

VENDIMET E MËPARSHME TË OSHP LIDHUR ME RASTET E NGJASHME

n/a

ARSYETIMI PËR DEVIJIM NGA PRAKTIKA E MËPARSHME

n/a

PËRGJIGJE NË PRETENDIMET ANKIMORE TË OE ANKUES - **Smartech Systems L.L.C.**

Sqarim hyrës: OE ankues ka parashtruar ankesë pranë OSHP-së si palë e pakënaqur me vendimin e AK-së në lidhje me këtë aktivitet të prokurimit, duke ngritur disa pretendime ankimore të cilat janë shqyrtuar nga eksperti shqyrtues dhe i njëjti sipas mendimit të tij ka dhënë përgjigje si më poshtë.

Pretendimi 1

OE ankues pretendon që: “*Pretendimet tona për shkeljet e lartcekura gjatë vlerësimit janë: - AK-AKSP me datën 26.03.2024 përmes letrës standarde për tenderuesin e eliminuar si pjese e Njoftimit mbi vendimin e Autoritetit Kontraktues na ka njoftuar se jemi eliminuar për arsye: “GST Sh.p.k & Smartech Systems L.L.C – është i papërgjegjshëm pasi që i mungojnë: zgjatja e validitetit të ofertës për 60 ditë. Kërkesa e autoritetit kontraktues për herën e parë ka qenë me datë 27.12.2024 të zgjatet afati i ofertës deri me 03.01.2025 ndersa O.E. e ka dërguar me 05.01.2025 në kundërshtim me kërkesën e AK-së mbas afati. Ne nuk pajtohemi me këtë vendim pasi që konsiderojmë që është i pabazë për arsye: - AK nuk ka respektuar vendimin e OSHP-së me nr.2024/1138 që bazuar ne LPP është obligativ të respektohet nga AK.”*

Eksperti shqyrtues sqaron që më datën 27/12/2024 AK-AKSP përmes sistemit e-prokurimi ka bërë kërkesë për zgjatjen e validitetit të ofertave për 60 ditë dhe ka kërkuar nga operatorët ekonomik që konfirmimet për vazhdimin e vlefshmërisë së ofertave të dorëzohen më së largu deri më datën 03/01/2025 në ora 16:00. OE ankues kësaj kërkesë të autoritetit i është përgjigjur jashtë afatit të përcaktuar, përkatësisht konfirmimi për zgjatje të validitetit është dorëzuar me datë 05/01/2025 në orën 20:42 sipas sistemit e-prokurimi. Arsyetimi se konfirmimi është bërë menjëherë në ditën e parë të punës për shkak të festave-pushimeve të fundvitit dhe se përderisa ka pasur ankesë në OSHP ka qenë e ditur se oferta vazhdon të jetë valide sipas ekspertit nuk qëndron për arsye se nga data 27 dhjetor kur është paraqitur kërkesa nga autoriteti e deri më datën 3 janar, OE ankues ka pasur në dispozicion 7 ditë të plota kalendarike apo 3 ditë të plota pune në të cilat është dashur të dërgohet konfirmimi dhe nuk ka vepruar sipas kërkesës së AK-së, duke dorëzuar vazhdimin e validitetit jashtë afatit të

parapare.

Nga ana tjetër sa i përket afateve të kërkesës për zgjatje të validitetit sipas nenit 30 të Rregullores së Prokurimit Publik, përkatësisht pika 30.4 sqaron që në rastin kur procesi i vlerësimit nuk mund të finalizohet brenda afatit të periudhës së validitetit të tenderëve atëherë AK duhet të kërkojë me shkrim nga operatorët pjesëmarrës të bëjnë zgjatjen e këtij validiteti para datës së skadimit. Andaj, në rastin konkret sa i përket kërkesës së AK-së e cila është bërë për afërsisht dy javë me vonësë konsiderojmë që Autoriteti nuk ka vepruar sipas pikës 30.4 të RRPP-së. Nga sqarimet e bëra vlerësojmë që ky pretendim i ngritur është pjesërisht i bazuar.

Pretendimi 2

“Anulimi i procedurës për mungese të buxhetit pas vendimit të OSHP-së që vërteton që oferta jonë është e përgjegjshme konsiderojmë që është shkelje e çdo parimi në prokurim publik, kjo pasi që një anulim i tillë nuk ka asnjë bazë ligjore (ju lutem të cekni se në cilin nen të ligjit jeni bazuar kur keni marrë një vendim të tillë), për më tepër projekti ka pasur kohëzgjatje 3 muaj dhe hapja e ofertave është bërë me datën 11.10.2024 e që në çdo rast do të kalonte në vitin 2025. Andaj ju duhet të siguroni buxhet për këtë projekt pasi që edhe kontrata është me poentim të çmimit dhe një anulim i tillë është diskriminues për neve duke pasqyruar që na keni shkaktuar dëme materiale duke përfshirë edhe kostot për përgatitjen e kërkesës për rishqyrtim dhe ankesës të cilën e kemi fituar që vërteton që na keni eliminuar pa të drejtë.”

Me datën 26/03/2025, AK ka publikuar Njoftimin mbi Vendimin e AK-së përmes të cilit anulohet ky aktivitet i prokurimit me arsyetimin që sipas vendimit të OSHP-së 2024/1138 lënda është rivlerësuar dhe pas shqyrtimit të kërkesave buxhetore nga Divizioni për Buxhet dhe Financa në mungesë financiare jemi të detyruar t’a anulojmë pasi që ky projekt ka qenë i planifikuar për vitin 2024 dhe në planin e vitit 2025 nuk figuron.

Eksperti shqyrtues sqaron që njoftimi për kontratë për këtë aktivitet të prokurimit është bërë në muajin shtator të vitit të kaluar, ndërsa ofertat janë pranuar deri në gjysmën e muajit tetor të po atij viti, muaj të cilët janë pothuajse në fund të vitit. Nëse e marrim parasysh Deklaratën e Nevojave dhe Përcaktimit të Disponueshmërisë së Fondeve shihet se për këtë aktivitet janë ndarë fondet e nevojshme për realizimin e tij, veç të tjerash parashtrimi i ankesave në OSHP nga ana e OE ankues është bërë një muaj pas hapjes së ofertave ndërsa vendimi për këtë ankesë nuk është lëshuar deri në muajin e dytë të vitit pasues, gjë që ka lënë të nënkuptohet për AK-në që ky aktivitet është vështirë të realizohet në vitin paraprak duke krijuar mundësi që të njëjtit të planifikojnë bartjen e mjeteve buxhetore për vazhdimin e këtij aktiviteti që besojmë që ka rrjedhur si pasojë e nevojës së AK-së apo njësisë kërkuese për iniciimin e tij. Pra, sipas mendimit të ekspertit shqyrtues AK nuk ka vepruar në përputhje me nenin 62 të Ligjit për Prokurimin Publik dhe nenin 43 të Rregullores së Prokurimit Publik duke anuluar aktivitetin e prokurimit për arsye të tjera të cilat nuk parashihen me këto nene. AK ka qenë e obliguar që të planifikoj kohëzgjatjen e këtij aktiviteti dhe të marrë për bazë afatet ligjore për vlerësimin e ofertave nga komisioni vlerësues dhe parashtrimin e ankesave për palët e pakënaqura me vendimet e saj dhe të parasheh mjetet e nevojshme për vazhdimin e kësaj procedure, përderisa ekziston deklarata për disponueshmërinë e mjeteve, gjithashtu në këtë deklaratë sqarohet se ky aktivitet nuk ka qenë i planifikuar as për vitin 2024 mirëpo me rekomandimin e marrë nga Auditori i Brendshëm është dashur të zhvillohet ky aktivitet, atëherë në këtë pikë nuk shihet asnjë arsye për anulim të këtij aktiviteti, ku i njëjti nuk ka qenë i planifikuar as për vitin 2024 mirëpo prapëseprap është iniciuar si aktivitet. Andaj, vlerësojmë

që ky pretendim i ngritur nga ana e OE ankues është i bazuar.

Po ashtu, sqarojmë që AK nuk ka vepruar sipas nenit 108/A të LPP-së duke mos kthyer përgjigje në pretendimet e ngritura nga OE ankues në kërkesën për rishqyrtim. Në këtë vendim AK vetëm ka refuzuar këtë kërkesë pa e arsyetuar fare mos qëndrimin e saj.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si pjesërisht e bazuar, të anulohet njoftimi për anulim të aktivitetit të prokurimit dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE “**Smartech Systems L.L.C.**”, lidhur me aktivitetin e prokurimit “**Sistemi i Alarmit në AKSP**” me numër të prokurimit: “**214-24-9646-1-2-1**”, të iniciuar nga Autoriteti Kontraktues (AK) – **AKADEMIA E KOSOVËS PËR SIGURI PUBLIKE**

Raporti i ekspertizës ti dorëzohet:

- Autoritetit Kontraktues – **AKADEMIA E KOSOVËS PËR SIGURI PUBLIKE**
- Panelit Shqyrtues – **OSHP**
- OE ankues – **Smartech Systems L.L.C.**

Agnese Ibrahimi

